

## Kitab Pengajaran Solat

Muhammad bin Abdullah Setiausaha Persatuan

Khairiyah, Naval Base, Singapura bertanya: Bagaimana

pendapat tuan mengenai isi buku-buku: (1) Soal

Jawab, (2) Pengajaran Solat yang dikarang oleh

al-Ustaz Hasan bin Ahmad dan diterbitkan oleh

Kesatuan Islam Bandung, yang sekarang sudah pun

dicetak oleh Persama Price Pulau Pinang? Adakah

pendapat atau huraian buku itu menyalahi ajaran Islam

yang sebenar-benarnya? – Harap mendapat penjelasan.

Jawab: Sepanjang yang kami ketahui bahawa buku

Pengajaran Solat dan Soal Jawab itu diasaskan

kepada tiap-tiap jawapannya dengan alasan al-Quran dan al-Hadith.

Tidak ada satu-satu keterangan yang lebih kuat yang dapat diberi oleh

sesiapa yang mengenai

hukum agama Islam

selain daripada berasas

kepada al-Quran dan al-Hadith.



(khas bagi Majalah Qalam - tidak dibenarkan dikutip)

Kalau saudara perhatikan bahawa banyak kejadian-kejadian yang berlaku yang mengenai sunnah menentukan hukum-hukum itu yang diasaskan kepada pendapat atau fikiran ulama masing-masing. Umpamanya di dalam Mazhab al-Imam al-Shafie ada pengikut-pengikut yang berpihak kepada Ramli dan ada pula yang berpihak kepada Ibnu Hajar. Fikiran dan pendapat mereka kerap kali didapati bertentangan dan terkadang-kadang tidak ada ketentuan yang nyata. Tetapi di sebaliknya Imam-imam yang tersebut selalu mengingatkan bahawa apabila pengambilan atau pendapat mereka itu bersalahan maka berbaliklah kepada pengertian-pengertian itu. Jadi boleh pula didatangkan soal kepada penanya: Apakah satu-satu hukum yang diambil daripada

al-Quran dan al-Hadith menyalahi ajaran Islam yang sebenar? Jawabnya tentu tidak.

\* \* \*

### Perkara Tanah

Teh binti Muhammad Ali, Kampung Tambi, Pekan Pahang

Bertanya: Saya telah membeli sebidang tanah getah sudah beberapa

tahun daripada seorang lain. Begitulah seterusnya tanah

itu dijual sudah beberapa kali daripada seorang

ke seorang. Baru-baru ini saya telah mendengar satu fatwa

daripada yang berkenaan mengatakan: Hasil-hasil yang terbit daripada

kebun itu haram, kerana itu kebun telah ditanam oleh

seorang di atas tanah kerajaan sesudah itu digrant

oleh lain orang pula jadi dihukumkan merampas

dan hasil-hasil itu haram selamanya walau beberapa orang

pembeli sekalipun. Maka pemotong getah saya itu telah

berhenti kerana tak mahu

makan haram dan zinc

atap rumahnya hendak

dibuang kerana dibeli

dengan duit haram.

Maka adakah benar bagaimana fatwa itu dan kiranya benar maka adakah berpanjangan selamanya? Dan adakah memberi faedah segala sedekah-sedekah yang diberi dengan wang itu?

Dan adakah satu jalan yang boleh menjadikan hasil-hasil itu sampai menjadi halal.

Jawab: Saudari telah membeli tanah itu dan tanah itu telah dijual dari seorang kepada seorang. Tentang asal tanah itu sama ada grant oleh lain orang atau tidak itu, bukanlah perkara di antara saudari dengan tanah itu. Saudari telah membeli tanah itu dengan halal dan daripada duit yang halal dan daripada apa yang disebut di atas menunjukkan bahawa tanah itu telah

bersambung ke muka 39